



Broj: 08-01-03/2-11-2-1093-12/24
Dana: 31.05.2024. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14 i 59/22) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javnu nabavku iz Zapisnika o pregledu i ocjeni ponuda broj: 08-01-03/2-11-2-1093-11/24 od 27.05.2024. godine, u postupku javne nabavke "Sukcesivna nabavka lož ulja", ministar Ministarstva unutrašnjih poslova Zeničko-dobojskog kantona, d o n o s i:

O D L U K U

o izboru najpovoljnijeg ponuđača "HIFA PETROL" d.o.o. Sarajevo, za "Sukcesivna nabavka lož ulja"

Član 1.

Prihvata se Preporuka Komisije za javnu nabavku (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-1093-11/24 od 27.05.2024. godine i ugovor za "Sukcesivna nabavka lož ulja", dodjeljuje se ponuđaču "HIFA PETROL" d.o.o. Sarajevo, sa ponudom broj: 08-01-03/2-11-2-1093-3/24 od 17.05.2024. godine i ponudenom cijenom u iznosu od 34.080,00 KM bez PDV-a.

Član 2.

Odabrani ponuđač dužan je u roku od 5 (pet) dana od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 08-01-03/2-11-2-1093/24 od 17.04.2024. godine, Obavještenja o nabavci broj: 488-1-1-27-3-31/24 od 19.04.2024. godine proveden je otvoreni postupak nabavke za "Sukcesivna nabavka lož ulja".

Procijenjena vrijednost nabavke je iznosila 50.000,00 KM bez PDV-a. Sažetak obavještenja o nabavci broj: 488-1-1-27-3-31/24, objavljen je dana 26.04.2024. godine u "Službenom glasniku BiH", broj: 28. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1093-2/24 od 09.05.2024. godine.

Komisija je sačinila Zapisnik o prijemu ponuda broj: 08-01-03/2-11-2-1093-7/24 od 20.05.2024. godine i Zapisnik sa otvaranja ponuda broj: 08-01-03/2-11-2-1093-8/24 od 20.05.2024. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da se do roka određenog za dostavljanje ponuda, 4 (četiri) ponuđača prijavilo na predmetno javno nadmetanje, i to ponuđači: "HIFA-PETROL" d.o.o. Sarajevo, "SJAJ PETROL" Maglaj d.o.o., "SJAJ" Maglaj d.o.o. i "ALMY" d.o.o. Zenica.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1093-11/24 od 27.05.2024. godine, te utvrdila da ponuđač "SJAJ PETROL" Maglaj d.o.o. nije kvalifikovan obzirom da je u pogledu uvjerenja o registraciji skladišta ulja za loženje izdatog od strane UIO BiH dostavio ovjerenu kopiju uvjerenja za drugo pravno lice ("HIFA-PETROL" d.o.o. Sarajevo), odnosno isti nije postupio prema tački 13.2. tenderske dokumentacije. Isto tako, isti ponuđač u svojoj ponudi nije dostavio OPC obrazac o promjeni cijena - koji je bio na snazi na dan 19.04.2024. godine, te time nije postupio u skladu sa napomenom broj 7. iz Aneksa II tenderske dokumentacije u pogledu dokazivanja ponuđene cijene.

Ponuđač "SJAJ" Maglaj d.o.o. nije kvalifikovan obzirom da je u pogledu uvjerenja o registraciji skladišta ulja za loženje izdatog od strane UIO BiH dostavio ovjerenu kopiju uvjerenja za drugo pravno lice ("HIFA-PETROL" d.o.o. Sarajevo), odnosno isti nije postupio prema tački 13.2. tenderske dokumentacije. Isto tako ovaj ponuđač u svojoj ponudi nije dostavio OPC obrazac o promjeni cijena - koji je bio na snazi na dan 19.04.2024. godine, te time nije postupio u skladu sa napomenom broj 7. iz Aneksa II tenderske dokumentacije u pogledu dokazivanja ponuđene cijene.

Od ponuđača "HIFA-PETROL" d.o.o. Sarajevo je aktom ugovornog organa od 20.05.2024. godine zatraženo objašnjenje cijene ponude prema članu 66. Zakona o javnim nabavkama i članu 17. stav (7) Uputstva za pripremu modela tenderske dokumentacije i ponuda, te prema tački 40. tenderske dokumentacije. Ovaj ponuđač je svojim aktom broj: JN- 2255/24 od 21.05.2024. godine dostavio objašnjenje cijene u kojem je navedeno da je njegova cijena rezultat ugovornih odnosa sa proizvođačima i ostalih poslovnih rezultata, te su iznesene informacije i pojašnjenja na propisan način. Imajući u vidu navedeno, ocijenjeno je da je ponuđač dao prihvatljivo objašnjenje svoje cijene.

U skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), dana 24.05.2024. godine sa početkom u 12:00 sati, započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br	Naziv ponuđača	IDB/JIB	Početna cijena u KM bez PDV-a	Rang
1.	HIFA PETROL D.O.O. SARAJEVO	4200999090005	34.080,00	1
2.	ALMY D.O.O. ZENICA	4218149030000	45.360,00	2

Aukcija je okončana dana 24.05.2024. godine u 12:10 sati.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	HIFA PETROL D.O.O. SARAJEVO	4200999090005	34.080,00	0,00%	1
2.	ALMY D.O.O. ZENICA	4218149030000	45.360,00	0,00%	2

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM sa popustom (prije e-aukcije)	Konačna cijena ponude bez PDV-a u KM sa popustom (nakon e-aukcije)	Ran g
HIFA PETROL D.O.O. SARAJEVO	4200999090005	NE	34.080,00	34.080,00	1
ALMY D.O.O. ZENICA	4218149030000	NE	45.360,00	45.360,00	2

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "HIFA-PETROL" d.o.o. Sarajevo, odabran je na osnovu ponuđene cijene u iznosu od 34.080,00 KM bez PDV-a.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-



MINISTAR.
Emir Vračo
Emir Vračo